



Broj: 07-07-14-30610/15
Sarajevo, 26.11.2015. godine

Na osnovu člana 70. stav 1. Zakona o organizaciji organa uprave u Federaciji BiH („Službene novine Federacije BiH“, broj 35/05) i člana 62. stav 4. Zakona o šumama Kantona Sarajevo („Službene novine Kantona Sarajevo“ broj 05/13), a u skladu sa Pravilnikom o postupku i kriterijima za dodjelu namjenskih sredstava u oblasti šumarstva iz Budžeta Kantona Sarajevo („Službene novine Kantona Sarajevo“ broj 09/14), Ministarstvo privrede - Uprava za šumarstvo objavljuje

J A V N I P O Z I V
za prikupljanje ponuda radi dodjele namjenskih sredstava za
finansiranje/sufinansiranje projekata iz oblasti šumarstva
iz Budžeta Kantona Sarajevo za 2015. godinu, sa pozicije
Ministarstva privrede - Uprave za šumarstvo

Predmet Javnog poziva:

Prikupljanje ponuda za realizaciju projekata iz oblasti šumarstva, koji će se finansirati/sufinansirati sredstvima sa pozicije Kapitalni transferi Budžeta Ministarstva privrede – Uprava za šumarstvo Kantona Sarajevo za 2015. godinu.

Projekti koji će biti finansirani ili sufinansirani:

Operativnim planom za provođenje šumsko-uzgojnih radova i radova na zaštiti šuma na području Kantona Sarajevo u 2015. godini (Zaključak Vlade Kantona Sarajevo broj: 02-05-20964 -10/15 od 31.7.2015. godine) odobreni su konkretni projekti iz različitih oblasti šumsko-uzgojnih radova: pošumljavanje, čišćenje i popunjavanje šumskih kultura, njega i zaštita šumskih kultura, unaprjeđenje rasadničke proizvodnje, provođenje procesa demniranja, uzgoj i zaštita divljači, izgradnja, održavanje i unaprjeđenje šumske putne infrastrukture, naučna istraživanja i stručne analize iz oblasti šumarstva, očuvanje i unaprjeđenje bioraznolikosti šumskih ekosistema.

Pravo učešća:

Pravo učešća na Javni poziv imaju:

- a) KJP za gospodarenje državnim šumama na području Kantona Sarajevo „Sarajevo-šume“,
- b) Kantonalna javna ustanova za zaštićena prirodna područja kao i korisnici šuma i šumskog zemljišta u državnom vlasništvu,
- c) privredna društava koja imaju sjedište, obavljaju djelatnost i realizuju projekte na području Kantona Sarajevo na vlastitom šumskom zemljištu,
- d) obrazovne institucije registrovane na sudu i/ili u registru Ministarstva za obrazovanje, nauku i mlade Kantona Sarajevo, a koje imaju sjedište, djeluju, rade i impementiraju projekte na području Kantona Sarajevo,
- e) fizička lica vlasnici privatnih šuma i šumskog zemljišta na području Kantona Sarajevo, a koja imaju prebivalište i realizuju projekte na području Kantona Sarajevo.

Uslovi učešća:

1. Namjenska sredstva se mogu dodijeliti za projekte koji će se realizovati u šumama i na šumskom zemljištu u državnom vlasništvu koje im je Zakonom o šumama dodijeljeno na gospodarenje i to KJP „Sarajevo-šume“ d.o.o. i KJU za zaštićena područja,

2. Pravo učešća na javnom pozivu imaju fizička lica koja imaju prebivalište na području Kantona i projekte će realizirati na šumskom zemljištu koja su u njihovom vlasništvu i nalaze se na području Kantona, a koji se odnose na slijedeće:

- a) zaštitu šuma – prorede kultura,
- b) naučna istraživanja i stručne analize iz oblasti šumarstva-Revizija šumsko-gospodarske osnove “Igmansko”,
- c) očuvanje i unaprjeđenje bioraznolikosti šumskih ekosistema.

Sadržaj projekta:

Podnosioci prijave trebaju dostaviti popunjen obrazac za prijavu projekta sa dokazima o ispunjavanju opštih i posebnih kriterija koji se može preuzeti na web stranici Ministarstva privrede (web <http://mp.ks.gov.ba>) i protokolu Kantona Sarajevo.

Projekat koji će se uzeti u razmatranje treba da sadrži:

- popunjen obrazac sa nazivom i opisom projekta;
- područje na kojem se izvodi projekat;
- jasne ciljeve projekta;
- vrste aktivnosti koje će se provesti da bi se postigli postavljeni ciljevi;
- očekivani rezultati;
- korisnike projekta;
- rok realizacije projekta;
- neophodna sredstva (uz naznaku vlastitog ulaganja).

Dokumentacija za pravna lica:

1. Podnosioci prijave, Javno preduzeće, KJP Sarajevo šume, KJU za zaštićena područja, obrazovne institucije i privredna društva dužni su dostaviti slijedeću dokumentaciju kojom dokazuju ispunjavanje uslova:

- a) izvod iz sudskog registra ili drugog registra, ne stariji od 3 mjeseca od dana podnošenja prijave, kojom podnosioci prijave dokazuju da su registrovani u relevantnom registru radi obavljanja profesionalne djelatnosti (za javne ustanove iz oblasti obrazovanja dokaz o upisu u registar kod Ministarstva za obrazovanje, nauku i mlade Kantona Sarajevo),
- b) uvjerenje o poreznoj registraciji,
- c) bilans uspjeha za predhodnu godinu,
- d) uvjerenje/potvrdu o urednom izmirenju direktnih poreza, doprinosa za PIO/MIO i doprinosa za
- e) zdravstveno osiguranje izdato od Poreske uprave FBiH ne starije od 3 mjeseca od dana podnošenja prijave,
- f) uvjerenje/potvrdu o urednom izmirenju indirektnih poreza, izdato od Uprave za indirektno oporezivanje ne starije od 3 mjeseca od dana podnošenja prijave (ukoliko je u sistemu PDV-a u skladu sa Zakonom o porezu na dodanu vrijednost),
- g) karton deponovanih potpisa iz banke osoba odgovornih za finansije, tj. obrazac iz Ministarstva finansija Kantona Sarajevo za javnu ustanovu za zaštićena prirodna područja i javne ustanove iz oblasti obrazovanja sa brojem na koji će se izvršiti uplata i broj budžetske organizacije,
- h) ovjerenu izjavu o visini sredstava s kojim će sufinansijer učestvovati u finansiranju projekta ili ugovor o sufinansiranju projekta (ako postoji partner u projektu),
- i) projekat sa budžetom ovjeren i potpisan od strane podnosioca.

2. Pravna lica koja imaju sjedište, obavljaju djelatnost i realizuju projekte na području Kantona na vlastitom šumskom zemljištu pored navedene dokumentacije dostavljaju i slijedeću dokumentaciju:

- a) zemljišnoknjižni izvadak za parcelu odnosno katastarsku česticu na kojoj će se realizirati projekat kao dokaz da je podnosilac zahtjeva vlasnik zemljišta,
- b) kopiju katastarskog plana za parcelu odnosno katastarsku česticu na kojoj će se realizirati projekat,
- c) prepis posjedovnog lista za parcelu odnosno katastarsku česticu na kojoj će se realizovati projekat,
- d) nalaz i mišljenje pravnog lica za obavljanje stručnih poslova u privatnim šumama sa specifikacijom troškova.

3. Dokumenti se prilažu u originalu ili ovjerenoj kopiji.

Dokumentacija za fizička lica:

- a) potvrda/uvjerenje o prebivalištu (CIPS),
- b) zemljišnoknjižni izvadak za parcelu donosno katastarsku česticu na kojoj će se realizirati projekat kao dokaz da je podnosilac zahtjeva vlasnik zemljišta,
- c) kopiju katastarskog plana za parcelu odnosno katastarsku česticu na kojoj će se realizirati projekat,
- d) prepis posjedovnog lista za parcelu odnosno katastarsku česticu na kojoj će se realizirati projekat,
- e) nalaz i mišljenje pravnog lica za obavljanje stručnih poslova u privatnim šumama sa specifikacijom troškova,
- f) ovjerena izjava o visina sredstava s kojim će korisnik ili drugi zainteresovani subjekt učestvovati u sufinansiranju projekta,
- g) projekt sa budžetom ovjeren i potpisan od strane podnosioca i pravnog lica za obavljanje stručnih poslova u privatnim šumama,
- h) izjavu pravnog lica za obavljanje stručnih poslova u privatnim šumama da su granice šumskog zemljišta u privatnom vlasništvu na kojem će se realizirati projekat na terenu vidne i na propisan način obilježene,
- i) ukoliko je podnosilac zahtjeva suvlasnik zemljišta dužan je dostaviti ovjerene punomoći suvlasnika kojim se ovlašćuje za poduzimanje radnji u cilju realizacije projekta.

Dokumenti koji se dostavljaju ne mogu biti stariji od tri mjeseca.

Dokumenti se prilažu u originalu ili ovjerenoj kopiji.

Način prijave i potrebna dokumentacija:

Kandidat prilikom prijave na Javni poziv obavezno dostavlja i slijedeće obrasce:

- a) popunjeni PRIJAVNI OBRAZAC, koji se može dobiti u Ministarstvu ili putem web stranice Ministarstva privrede Kantona Sarajevo www.mp.ks.gov.ba;
- b) IZJAVU da su svi podaci navedeni u Prijavnom obrascu istiniti i tačni (na propisanom obrascu), koji se može dobiti u Ministarstvu ili putem web stranice Ministarstva privrede Kantona Sarajevo www.mp.ks.gov.ba;
- c) PRIJEDLOG PROJEKTA isključivo na propisanom obrascu "Format prijedloga projekta", koji se može dobiti u Ministarstvu ili putem web stranice Ministarstva privrede Kantona Sarajevo www.mp.ks.gov.ba;

Podnosilac prijave obavezno popunjava sve rubrike Prijavnog obrasca i odgovara za vjerodostojnost svih unesenih navedenih podataka. Samo jasno uneseni podaci se koriste prilikom vrednovanja projekta.

Preuzimanje dokumentacije:

Dokumentacija za izradu projekata i predviđeni obrasci mogu se preuzeti u službenim prostorijama Uprave za šumarstvo u ulici H. Kreševljakovića broj 18/5 u periodu od 28.11.-29.12.2015.godine.

Zahtjevi sa potrebnom dokumentacijom podnose se na protokol Kantona Sarajevo ili preporučeno putem pošte na adresu:

**Kanton Sarajevo
Ministarstvo privrede
ul. R. Dž. Čauševića br. 1
71000 Sarajevo**

**(za Javni poziv– finansiranje/sufinansiranje projekata iz oblasti šumarstva
iz Budžeta Kantona Sarajevo za 2015. godinu)**

1. Krajni rok za podnošenje prijava je 29.12.2015.godine do 16h dana od dana objavljivanja Javnog poziva u sredstvima javnog informisanja i web stranici Kantona Sarajevo (www.ks.gov.ba). Kontakt telefon 033 550 285 ili neposredno u službenim prostorijama H. Kreševljakovića broj 18/5.

2. Vrednovanje projekata bit će izvršeno u skladu sa Pravilnikom o postupku i kriterijima za dodjelu namjenskih sredstava u oblasti šumarstva uz Budžeta Kantona Sarajevo („Službene novine Kantona Sarajevo“ broj 19/14).

Izbor projekata za koje će se obezbijediti finansijska podrška iz Budžeta Ministarstva privrede – Uprava za šumarstvo za 2015. godinu, izvršit će Komisija koju je imenovao Ministar privrede.

Nepotpune i neblagovremene prijave neće se uzeti u razmatranje.

MINISTAR

Dr Muharem Šabić



web: <http://mp.ks.gov.ba>

e-mail: privrsa@ks.gov.ba

Tel: + 387 (0) 33 562-121, + 387 (0) 33 562-122

Fax: + 387 (0) 33 562-226

Sarajevo, Reisa Džemaludina Čauševića 1

